

Zeitschrift: L'ami du patois : trimestriel romand
Band: 14 (1986)
Heft: 52

Artikel: Amicala dai patoisan de Savegny-Fori
Autor: Duboux, F.
DOI: <https://doi.org/10.5169/seals-241539>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>



Pages vaudoises

AMICALA DAI PATOISAN DE SAVEGNY—FORI

L'è pè on galé tein d'hivè que mé d'onna treintanna de fidélo z'ami dâo patoi sè sant reuni à l'Auberdzo dâi z'Alpè, à Savegny, lo 22 de fèvrâi 1986, po l'âo tenâblya statutâira quemeint l'è la coutema po la premîre de l'annâie. Manquâve bin quauquè z'ami qu'avant ramassâ la couerla, lo presideint assebin, et dinse lâi avâi min de Reynold Richard po presidâ la tenâblya. Mâ la vice-presideinta Marie-Louise Goumaz l'a eimpougnî l'affère et tot l'è z'u âo pe-colon. L'a z'u lo plliésî d'annoncî la preseince dâo menistro, Monsu Braillard, que s'è pllié bin avoué no, et pu l'eintrâie dein noûtr' Amicâla de quatre novî meimbro; adan la presideinta dè sti dzo sohîte la binvegnâita à clliâo novî z'ami, dè mîmo qu'à tota l'asseimblyâie. L'a oncora lo regret d'annoncî la dèmechon de doû z'ami patoisan.

Onna menuta de sileince l'è observâie po honorâ la mèmoire dâi z'ami que no z'ant quittâ, que sant Jacques Delessert, Blanche Crisinel et Jean-Robert Goumaz, èpâo de Marie-Louise Goumaz.

Madeleine Porchet l'a preseintâ lè compto que sè tîgnant galésameint bin, que l'a de Blurette Golay dein son rappoo et l'ant ètâ ademet avoué remâchameint à noutra bossîre.

Lo comitâ l'a ètâ renommâ po onn'annâie : presideint, Reynold Richard; vice-présideinta, Marie-Louise Goumaz; bossîre, Madeleine Porchet; segrètéro, Frédéric Duboux, et pu, po reimplycî l'ami Delessert, dècèdâ, l'è nommâ on tot fidélo, Gontran Bourquin, meimbro de la tropa dâo "Dicchou-néro dâo patoi vaudois".

Votâie pè quâsu tota l'asseimblyâie, la cotisachon l'è passâie de 8 à 10 francs. La salyâita sarâ dècidâie à la tenâblya que vin.

Lo comitâ l'a sondzî âi z'ami patoisan que sant ein peinchon et pu à clliâo que sant arrevâ âo bî l'âdzo de noneint'an et mé po lè z'èlèvâ âo titro de "Meimbro honoréro", ye sant : Elise Jordan, 96 z'an; Ida Monachon, 91 an; Elisabeth Sallaz, à Boissonnet; Jules Gilliéron, 95 an, et pu Ami Reymond, à l'Epetau de Lavaux. Respect à stâo z'ami.

Tandu l'eimpartyâ famelyîre, n'ein oyu galésè tsanson, musica et bounè gandoisè. Pu l'è arrevâ l'hâora dâo petit-goutâ, bin meretâ.

Adan, noûtrè z'amicâlè peinsâie âi z'ami malâdo et noûtrè voeu de meillâo santâ et pu : à rèvère !

F. Duboux